

〔日本國郡沿革考 總說〕按本朝古以倭爲國號者、日本紀纂疏等之說、說得其實也否、未可知也。後改號日本。據本居宣長說云、蓋在大化二年二月也。雖國史不載其事、察其文理則於是時改國號昭々矣。釋本紀引延喜講記云、日本者自唐所號也。隋文帝開皇中入唐使小野妹子將改倭號爲日本。然依暗物理、遂不許。至唐武德中始號日本。和漢春秋引括地志云、和國、武后改曰日本國。新唐書云、倭咸亨元年遣使賀平高麗、後稍習夏音、惡倭名、更號日本。自言近日所出、以爲名。按以上諸說皆有小異、同雖未可悉信、始附載以備參考。

〔釋日本紀一開題〕日本國 倭國

〔書言字考節用集 乾坤〕日本

〔釋日本紀一開題〕日本國 倭國

問、大唐謂此國爲倭、而今謂日本者、是唐朝所名歟、將我國自稱歟、

答、延喜講記曰、自唐所號也。隋文帝開皇中入唐使小野妹子改倭號爲日本。然而依隋皇暗物理、遂不許。至唐武德中初號日本之號。延喜公望私記曰、案隋書東夷傳、倭國在百濟新羅東南水陸三千里、於大海之中、依山島而居、三十餘國皆稱王。其國境東西五月行、南北三月行、地勢東高西下、於耶摩堆隋煬帝大業三年、當本朝推古天皇十五年丁卯則魏志所謂耶馬臺者也。新羅百濟皆以倭爲大國、多珍物、並敬仰之、恒通使往來。大業三年、其王多利思比孤遣使朝貢、使者曰聞海西菩薩天子、重興佛法、故遣朝拜、兼沙門數十人來學佛法。其國書曰、日出處天子、致書日沒處天子、無恙云々、帝覽之。○之原脫、不悅、謂鴻臚卿曰、蠻夷書有無禮者、勿復以聞云。